

114

		Krónumynt.		Hundrað.		Alin.	
		Kr.	Kr.	Kr.	Aur.	Kr.	Aur.
<i>G. Ýmistlegt:</i>							
38.	1 σ 6 pd. af æðardúni, vel hreinsuðum 1 pd. á	18	19	109	14	"	91
39.	— 40 — — — — — óhreinsuðum — — —	"	"	"	"	"	"
40.	— 220 — — — fuglafíðri 1 fjórð. á	8	48	101	76	"	85
41.	— 480 — — fjallagrösum — — —	1	"	48	"	"	40
42.	5 álnir, 1 dagsverk um heyannir	2	52	"	"	"	50
43.	— 1 lambsfóður	3	98	"	"	"	79 $\frac{1}{2}$

Meðalverð á hverju hundradi og hverri alin í nefndum landaaurum verður:

<i>Eptir A</i>	<i>æða í fríðu</i>	97	1	"	81
— <i>B</i>	<i>— í ullu, smjöri og tólg</i>	73	5	"	61
— <i>C</i>	<i>— í tóvöru af ullu</i>	86	85	"	72
— <i>D</i>	<i>— í fiski</i>	61	68 $\frac{1}{2}$	"	51
— <i>E</i>	<i>— í lýsi</i>	42	97 $\frac{1}{2}$	"	36
— <i>F</i>	<i>— í skinnavöru</i>	56	5	"	47
En meðalverð allra landaura saman talin . . .		417	62	3	48
og skipt með 6 sýna:					
meðalverð allra meðalverða		69	60	"	58

Akureyri 7. aprílmánaðar 1877.

Í umboði herra biskupsins

Christiansson. Davíð Guðmundsson.
settur.

115 5. sept. — *Brjef* ráðgjafans fyrir Ísland til landshöfðingja um smíðagalla á fangelsunum á Eskifirði og Ísafirði. — Þegar fangelsi það, er Klentz timburmeistari gjörði á Eskifirði, var tekið út, var þess meðal annars getið, að grundvöllurinn undir fangelsinu væri eigi vel lagður, og að millilopt vantaði í það. Nú hefur sýslumaðurinn í Suðurmúlasýslu skýrt svo frá í brjefi, er hann sendi hingað beina leið, að hann hafi varið 70 kr. til að laga grundvöllinn, og lagt það til, að Klentz timburmeistari endurgjaldi þetta, og eins að hann bæti andvirði milliloptsins, sem nú verður eigi lagt, þannig, að því fje sje varið til að gjöra við ýmsa galla á fangelsinu. Ráðgjafinn hefir síðan eptir samkomulagi við Klentz timburmeistara haldið eptir af hinni umsömdu borgun fyrir að smíða fangelsið bæði fyrgreindum 70 kr. og 58 kr. 41 a., sem eptir áætluninni er það sem milliloptið mundi hafa kostað, og er yður veitt heimild til að láta greiða þetta hvorttveggja, samtals 125 kr. 41 a., úr jarðabókarsjóði hlutaðeigandi amtsráði, til þess að því verði varið, eins og að framan er til tekið.

Að því er snertir fangelsið á Ísafirði, þá var eigi getið neinna galla á því, þegar það var tekið út, heldur lýsti sýslumaðurinn í Ísafjarðarsýslu yfir því, að húsið væri í fullkomnu standi. En er tjeður sýslumaður samt sem áður kom með skýrslu um, að nokkrir gallar væri á húsinu, eins og yður er kunnugt, herra landshöfðingi, ljet Klentz timburmeistari bæta úr sumum þeirra árið sem leið, og eins ætlar hann nú að senda með póstskipinu Díönu til Ísafjarðar loptþipur í gluggana í klefunum, þar eð gluggunum verður eigi lokið upp. Með því að auk þess vantaði líka millilopt í þetta fangelsi, hefir Klentz timburmeistari tjáð sig fúsan á að draga 55 kr. 41 a. frá borguninni fyrir þetta fangelsi, og eruð þjer beðnir að láta greiða þetta úr jarðabókarsjóðnum hlutaðeigandi amtsráði, og má þá hafa það til að gjöra við fangelsið.

Um leið og yður er þjónustusamlega tjáð það, er að framan greinir, til þóknanlegrar leiðbeiningar og frekari birtingar og ráðstafana, skal eigi látið undan falla að bæta því við, með því að úttektirnar hafa eigi gefið ástæðu til að fara fram á meira gagnvart Klentz timburmeistara, er búið að greiða honum það, sem hann átti eptir inni óborgað, og er mál þetta þann veg á enda kljád. 115
5. sept.

— *Brjef ráðgjafans fyrir Ísland til landshöfðingja um fimleikakennsluna í hinum lærða skóla.* — Út af lausn Steenbergs, er hingað til hefir verið kennari í leikfimi við lærða skólann í Reykjavík, og burtför hans frá Íslandi, hafið þjer, herra landshöfðingi, með þóknanlegu brjefi 9. f. m. skotið því til mín, hvernig fara eigi með leikfimiskennsluna eptirleiðis, og bendið þjer á, að hjer sje um tvennt að velja annaðhvort að setja íslenzkan stúdent, Ólaf Rósinkranz að nafni, kennara í leikfimi til bráðabirgða skólaár það, er í hönd fer, eða að auglýsa, að sýslan þessi sje laus, ef kostur mætti verða á að fá danskan leikfimiskennara til að taka hana að sjer. 116
6. sept.

Út af þessu skal yður þjónustusamlega tjáð til þóknanlegrar leiðbeiningar og ráðstafanar, að þar eð nú er orðið svo áliðið, að sýslanin getur eigi orðið veitt fyrir fullt og allt fyrir skólaár það, er í hönd fer, verður að álíta rjettast að setja framangreindan Ólaf stúdent Rósinkranz til að gegna henni til bráðabirgða.

Um leið og þjer eruð þjónustusamlega beðnir, herra landshöfðingi, að gjöra það sem við þarf í þessu efni, vonast ráðgjafinn eptir að fá á sínum tíma frá yður tillögur yðar um veitingu á sýslaninni fyrir fullt og allt, svo tímanlega, að hún verði veitt að minnsta kosti áður en skólaárið 1878—79 byrjar, og skyldu tillögur yðar verða þess efnis, að auglýsa skyldi hjer, að sýslanin sje laus, verður ráðgjafinn einnig að biðja yður að skýra sjer frá, hvort eiga megi von á, að sendiferðir fyrir landsyfirrjettinn og umsjónarmennskan við prestaskólann verði sameinaðar leikfimiskennarastöðunni.

— *Brjef landshöfðingja til prófasts sira Eiríks Briems um styrk til að gefa út ritgjörð um kvennbúning.* — Með þessu brjefi var veittur 200 kr. styrkur til þess að gefa út ritgjörð með 37 uppráttum eptir Sigurð heitinn málara Guðmundsson, um tilbúning hins forna íslenzka kvennbúnings. Í beiðni sinni um þenna styrk tekur prófasturinn fram, að hinn sjerstaki þjóðbúningur, sem tíðkast hjá kvennfólkinu hjer á landi, sje bæði kostnaðarminni en hinn útlendi búningur, og nauðsynlegur, þar sem fólki víðast hvar hjer á landi sje ómögulegt að fylgja þeim breytingum, er útlendi kvennbúningurinn tekur, og að þar að auki hinn innlendi búningur hafi talsverð menntandi áhrif vegna þeirra hannyrða, er honum eru samfara, og sem hafa fengið þá þýðingu í meðvitund manna, að það «að sauma sjer búning» skoðist sem nokkurs konar skóla-kursus. 117
17. sept.

SKIPUN EMBÆTTISMANNA OG LAUSN.

Hinn 26. dag júnímán. var prófastur sira Jón Jónsson á Mosfelli settur til fyrst um sinn að þjóna með embætti sínu Miðdalssókn í Árnassprófastsdæmi.

28. s. m. var settum lækni Anton Tegner samkvæmt beiðni hans veitt lausn frá hjeradslæknisstörfum í Árnassýslu, og lækna skólakennari Tómas Hallgrímsson settur til um stundarsakir að gegna þessu embætti.

S. d. var yfirdómari R. af D. Jón Pjetursson settur forstjóri yfirdómsins, yfirdómari